

Entrada hudicial pa caso Avestrus



Ayera Landsrecherche bao guia di huez-comisario y den cooperacion cu Cuerpo Policial di Aruba y RST (Recherche Samenwerkingsteam), a tene huiszoeking na seis diferente sitio.

E huiszoekingnan aki a tuma lugar den cuadro di un investigacion di Landsrecherche di delitonan di corrupcion posiblemente cometi rond di entrega di terenonan di gobierno entre 2009 y 2017.

E investigacion ta conoci como Avestrus.

Durante e entrada hudicial a tuma beslag riba cargadornan di data y administracion.

Pa awor no tabatin ningun detencion. Avestrus, den cual tambe ta investigando e posibel rol di un ex-minister, ta dirigi riba e pregunta si companianan a haya derecho di erfpacht a base incorrecto.

A keda cla mientras tanto cu e entrada hudicial di ayera.

E investigacion Avestrus ta continua. Na e momento aki Ministerio Publico lo no duna mas informacion. Si lo tin mas desaroyonan pa meld den e investigacion aki, Ministerio Publico lo comunica pa medio di relatonan di prensa.